



新編覆醬續集

十三之四

和16
889
11



16



新編覆醬續集卷之十三

門人石克子復編纂

書

與堀立菴

久睽面言思渴思渴乃者立恙又為何狀淫雨連日
漏室濕席不勝困乏適望青穹如逢佳人秋中無月
有佳作否願聞之

全

講武要略一遍電過最為要畧然比之紀効新書則
其文亟省其事蓋欺雖某人好八陳圖圖書無有豈

匪_一死_一久_一日_一前_一嗣_一韻_一以_一酬_一法_一眼_一而_一未_一呈_一似_一足_一下_一今_一藉_一雨_一
中_一之_一寥_一聞_一幸_一備_一案_一間_一之_一吟_一嘯_一

與野靜軒

前_一是_一家_一童_一十_一郎_一要_一屈_一文_一從_一自_一屈_一宇_一下_一歸_一來_一謂_一余_一曰_一呆
亭_一法_一眼_一為_一養_一舊_一德_一趣_一駕_一有_一間_一而_一色_一其_一行_一余_一聞_一之_一訝_一思_一
嚴_一程_一慙_一慙_一猶_一與_一不_一決_一一_一昨_一投_一書_一安_一節_一獲_一以_一聞_一事_一實_一吾_一
丈_一入_一溫_一泉_一已_一還_一有_一快_一効_一無_一客_一履_一裕_一勝_一何_一似_一不_一佞_一亦_一頑_一
健_一如_一恒_一緬_一惟_一浴_一湯_一之_一暇_一負_一暄_一之_一日_一瘦_一杖_一閑_一步_一與_一一_一二_一
侍_一童_一相_一偕_一從_一游_一而_一徜徉_一乎_一竹_一院_一之_一畔_一朗_一吟_一乎_一岩_一瀑_一之_一
傍_一者_一惟_一夫_一舞_一雩_一之_一遺_一風_一耶_一蘇_一門_一之_一清_一嘯_一耶_一風_一標_一節_一槩

慙慙自方言急
性也慙慙同思也

攀_一在_一日_一矣_一在_一湯_一幾_一日_一哉_一旋_一京_一何_一時_一哉_一山_一哦_一浦_一咏_一可_一磨_一
眼_一埃_一望_一遠_一含_一悵_一不_一耐_一倦_一懷_一之_一至_一幸_一賴_一難_一弟_一聊_一附_一片_一言_一
歲_一寒_一日_一迫_一若_一時_一自_一愛_一珍_一變_一不_一次_一

與武田友淵

今_一晨_一辱_一盛_一份_一河_一魚_一之_一疾_一殆_一藉_一不_一快_一不_一趨_一造_一今_一午_一堦_一前_一
之_一芍_一藥_一砂_一金_一花_一初_一開_一數_一枝_一此_一花_一所_一出_一藝_一府_一之_一裁_一子_一而_一
最_一奇_一品_一也_一劉_一貢_一夫_一譜_一中_一所_一載_一纒_一金_一囊_一者_一是_一也_一支_一日_一雖_一
異_一天_一理_一之_一齊_一可_一思_一可_一暇_一偶_一有_一一_一絕_一幸_一記_一別_一楮_一以_一當_一笑_一
資_一

與野靜軒

昨賜惠肯重辱一价夜將參半而飯馨室足下過藤
秘閣談為何狀中秋在近期會游否雙月阿誰哉一
尊何處耶拙生忘年之友京極典膳自東武來數日
之間往訪來訊堪諮新舊往來有暇步月以叩輪奐

復陳元贊

一昨安節使急足傳達吾子之赫蹏并芳和之淨書
吟誦無已不勝鳧藻實足為閑居之奇玩日前款寂
之后拙恙再發不便外望是以不能往而祖為憫耳
嚮曰及瓜時而又將來洛其言實爾否願聞之余所
以待者陶寫於夫詩仙圖則欲揮吾子之健筆病勸

黃帝子累祖好遠遊
火於道後人以爲行神
字東曰爲道神曰祖
今謂儀行曰祖道非
也每有儀人之行及以
鬼交言之

不為字亮炤為幸辰下春雪漫漫發邁奚日哉緬惟
駟程峭寒若時珍攝袞袞匆匆

與野靜軒

嚮枉喜訊真足以為空谷之喜矣七上八下之景兩
火一刀之雪吾丈興盡而返風概波峭不可得護來
時溪山平白村落無路一望之中只見一肩輿而無
有它物好事者若畫之則豈可教減訪戴圖乎侍童
之識言亦匪神交哉山中酷寒待伴未去又如後來
蘇想夫韜齋歸家穩坐椿萱之大歡止稚子歟式珍
式祝且又侍童正利之拙和即今無彩牋故叨書於

西晉詩話王粲曰
未消者俗曰待伴詩曰
待伴不替管凡各蓋
明常法王鈞斜

左它日淨寫以可呈之否。巫約全唐詩話幸附茲。俾
硯凍不為字

與野靜軒

今日家童手携趕網，獲於鴨川。獲鯨魚十餘首，來乃
依新鮮，以委庖者。粲留幸幸

與整靜軒

足下明淫之德，復平候否。拙生數日已還，後首兩耳
之間微腫微痛，不增不減。至今如舊，雖飲食無妨，不
能就枕穩卧。故殆為勞，敢問邪風伏表裏之間，而爾
為耶暑熱入腠理之中，而爾為耶別有此症耶抑又

偶然耶果而何哉。服人參敗毒散，無乃不可乎。欲有
効應，旬賜數貼，不然幸圖秘圭，忿忿不縷

報秘書監

昨惠尺素，并遷史五冊，采之納之前日。從相國寺雖
枉一伶爾時，藉出游不奉迎接，豈非左道乎。寅審近
况，有旨與選新編，實至此一舉，匪足下又誰哉。肯堂
貽厥之盛業，可奇可賀，良甚幸甚。頓頓首首

與武道安

家童之病，減什之八九。只夜中餘熱微發耳也。日日
得効，思食倍常。若是則數日之間，可到无妄之喜。旬

賜一圭

答荃靜軒

適來手誨并曩篇數首暨羅浮子書見附盛价彼此
瞥視忻快多荷匹諭舒字在魚韻本自平聲也足下
志諸乎板防州之使有故未去忽然裁謝不罄區區
餘期面陳

簡秘書監

瓊報入手殆慰下襄荷甚荷甚乃都摠估客登來曹
學佳文集及王昭明周禮傳嚮是未觀此書問人不
知始開兩部如見君子一誦解頤足以銷日誰不嘉

尚哉何不珍惜哉吁文房之奇玩唯惟而已慎餘

答野靜軒

昨蒙嘉貺丁自執花立徑草謝有電察不履茲貴恙
未審云何神効靈驗君家之物而不外求整換復故
以繼話欄立菴所示小序一件幸備炤覽寫了一通
乞蚤還之

答荃長老

曩日疊辱前韻之寵和况又副以縞帶一條物意兩
重感切萬荷不佞來洛已還雖親眷素舊肴果之外
未容一物以茲生平為僻隱之私禁為終身之自警

而今不忍復之，不勝禁警，以領受焉。只懼多病，休文瘦，不堪垂帶耶？昨及暮歸，歸程觸雪，殆苦寒，冒未出寢室，故懶卧爐旁，手答怠慢，恕幸孔區區之素併布面既。

復陳元贊

前回託鑿杏菴要俾書格銘，以煩大手矣。杏菴歸尾州居，無何有旋洛人齎其銘及妍唱一絕來。至茲彼此併領，甚慰。正望把玩不已，謝私曷極。惟無勝鳧藻之至，乃勅画史寫之，格上描金其字，字畫體勢統義獻帖壯麗之美，不可得言。自今之後，足以爲文房之

奇玩，多可多可。近聆履茲清安，忻甚，怡甚，拙生宿憾未愈，尚枕烟霞，人事都絕，筆研百不堪耳。對書殊倦，信耗雖缺，幸勿疑訝。吁无緣面言，馳戀之衷，何日可解哉。玄生急發，不遑作書，區區曼乙烟原是祈，餘蘊布玄，口陳秋暑，醉人若時，珍練，念念不再。

簡整靜軒

前月二十六日之書至，卷舒數回，如縮千里，以對言面。又天豐州相繼旋洛，曲陳風彩，惻甚，惻甚，不佞凡百如常，肺疾鼻涕未獲，神効平素，患不外於茲。老杜曰：衰年肺疾惟高枕，夫惟之謂乎。

一乃翁貴眷各居平安令弟安節學植日新勿敢為

一思
一不喻數書此地未聞有此書今歲所來之書益數
况又無有奇書

一如來陳杜律集解朱墨竟功疑義不滯通篇一貫
叙通少陵之蘊與眩萬丈之光艷固閑居之秘寶
共窓之奇玩也下五趙壁比之為輕與昌三每對
誦只恨少足下一人

一杏菴九月下旬歸尾府在洛之間為近衛大將講
乾坤二卦為管織染令說神書兩卷如予不聞其

說藤公自殊冬之交音容缺如△病倦不出靜居
一室氣味深矣何思外交崔豹云讀書尚無暇誰
有心待輪蹄往來吁真哉斯言小詩數篇寫呈它
楮以備笑資冬愛自保千萬珍蓄不次

復堀正意

前月廿二日之華牒墜手件件條條拜誦無算

一拙作達於几前清和九首惠來感極荷極不知所
謝

一如教喻西州蠻賊之秘黨可憎之甚也彼雖有數
百萬口氓隸之人木兵竿旗何驚怖之有網裏之

跳魚樊中之飛禽一朝可亡到興亡治亂有識者識之只

東照大君之先知可感可仰

一野吟數篇彼加細論不耐忻耐真足為詩學昇進之梯階喜而不寐

一衆漁携網臨淵立一句不如後句云云今獲細論初曉拙手登時徒題其所觀它日改更可以句郢正

一此行示蒙之高調每篇氣格峭健骨響雄逸殆有塵表之風立丈及門下諸生其它觀者鼓掌無

以不稱善唯恐足下信不及耶當局者迷△雖不敏旁觀有眼公詩倍蓰於曩時如有別趣篇中大概无處著手敢匪飾說原亮為幸敬應來論做老嫗之見解聊奉鄙言可發一笑

一嶺存京極山莊跡麓見臨川泉水橫好個一聯模寫景致奇確壯浪圓渾富麗可謂西山之著題又如杉檜大悲閣句者風樹之聲鳴於礪壑清韻蕭颯引入鐘聲詠物逼真奇甚妙甚覺意味之深長一他月之章如多日念茲誠在茲之句者至朴至木如寡味耶如一懸天上浮池之句者一句之中

用兩箇一字指點天壤形容月影仙手佛口鄭重鄭重

一樵童之什到起句第三寓字當平用仄未審未審想夫足下以倉卒故乎又遺忘之乎

一本邦官家桑門之詩自古不精聲律是故七言第一四字不厭一平雖管家之博雅難免不韻之譴况

其餘哉自匪老杜所製具體物用在唐詩用四仄一平百首之中未見一首方今足下之詩文雖片

言隻字傳寫夷洛珍藏秘惜可不慎哉何不思哉嗚呼吾為僭乎這回欠追敢不為字區區曼乙貸

恕不次

東藤秘書監

日前惠書未陳乙謝疊辱誨翰懶慢之罪跋踏無地△昨晨出遊殆及昧爽以歸葺屋即今驚起殘睡昏信筆裁荅莞存萬冀

一塵寰字優於埃字可喜可喜

一穿松傍等字可也乎

一突兀字用於老梅則死樹槎牙崢嶸突兀字尤為承當不道老梅徒如亭梅園梅題自突兀字甚不直耶而何而何雖然至黃奇蘇新之手段有別趣

在乎△足跣痛腫不便起居頗如勃窣翁呵呵

與堃靜軒

數日不面為何狀哉江都戶部順舊例欲行釋菜雖有此等詩依城門之殃止為烏有云那箇篇中有清麗雅絕之新句子哉一誦之后觀耳其論曩時亦告妙義集斯須之間借示為幸又書林長左衛門自長崎歸家在近耶歸來而後其書人未暇時蚤與足下偕往可以探掾預馳一份要東於長氏男可也勿得而忽諸不然為富兒所買却為糟粕已乎

全

乃翁歸家穩坐至珍至視定省之勗莫敢或違承顏之次幸為吾謝嵯峨之游十日以旬三乎以旬五乎兼底之間隨回教與吉田氏可相約素乏行李旬告諸昌三今且與一之來書曰侯我於堂侯我於庭我徂則登彼西山采其松蘿拙恙雖未反常是以殆有意行晝摸捺於松林之裏夜諷詠乎巖月之隈而一時取山水之樂則烟霞痼疾亦有瘳耶縱如有犯不敢悔耳足下而何

東塾靜軒

詰朝為廐牧令亟招足下亦不敢不往至期走使可

杜詩之病所未惟其物

相伴耶又先後隨意而行哉不佞指之疾痛藥治有
効大概復故孟子云如有能信之者不遠秦楚之
路而况不移寸步信屈而不信者唯藉足下之為求
藥物爾忻幸
答調子勝成
玄生來此示及汗簡披繹數回如縮千里以接風論
所貺彩牋三十葉可漏于十五幅各領雅惠感忤交
併喜審震良裕勝不耐悅可不佞病懶無籍筆研殆
廢近獲卜山中之居猶如阻人間之世吁海雲悠闊
无緣展晤瞻儀之裏何日可觴解哉區區曼乙聊此

晉王凝之為會稽內史時
手脫未拜基
往省之留十餘日
同其政事
聯不得與

脫膠水尤膏臭也

布謝貸恕不蝶
與國鳴傳七
日者三白來此自達誨函玩而無歎如恍面若顏足
以懈淵嶽深長之懷愔欣審履茲勝常不耐艷羨前
是為僧玄森惠書閱書而接玄玄蟬聯說風采而辭
去能後有時叩寂茂純詩文來而求益余脫膠庸才
淺於詩拙於文復何言哉殆幾乎熄矣彼匪惟無益
恐有比余黔驢與徧徠無投一絨以賀府君增秩之
榮致足下遷喬之喜膏肓之深不近人情依與世
踈俞不罪不罪教諭之悉亦答件件如後

新編長安集

卷三

十一

陶淵明詩結廬
在人境而無車
馬喧
李宗易靜居詩大
都心足身處足祗
恐身閑心未閑云云

來書略曰自古止帝都者有其不任余何任乎如余
天下之棄才而雖無不任王者之都民之所止業為
僻情之逸民幽遊都下以樂閑靖矣於其不任無乃
不可乎君子之宅有二其一於市其一於林晏子之
宅廩信之宅是也今吾之宅晏也非廩也匪敢居一
於此矣便乎容安爾耳云晏之與廩由已而由人
乎哉或在人境無車馬之喧或在山林取捷徑之笑
者有矣繇是觀之闢非城市靜非山閣靜由人而非
地乎哉潛名抱道者何必處高岸深谷而已乎宗易
詩曰但得心閑隨處樂不須朝市與雲山其宅天隱

地隱人隱名隱不可稱言也世外賸人何任之有第
勿以吾為隨駕隱士
來書略曰欲任道學教誘後生繁育英才而使彼知
其基本以進而行之乎余少而顯務兵家之事不精
儒生之術是以為文鄙拙十倍於金老童古曰以文
名世者士之不幸也况乎博士助教之任乎適不為
者慣聲律浮華之詞追咏昔人之糟粕而已為學道
者不足以為師縱復辨折天口寧為効彼社師招諸
生哀童蒙呻其佔嗶焦唇乾舌誇說都都平文我耶
弗敢與也兩所言者未至平穩之地其之奚若

新編... 卷之三
來書略曰欲任詞章風喻王公激厲士衆而使俗知
歸至正之域乎如不商推風雅品藻辭賦以風其
上以化其下非欲使人得其情性之正之謂邪若是
真非文武之聖德後之人君亦曷能臻此乎害甚矣
子之好辨也
來書曰若夫它日舉于版築之間起于畎畝之中而
所以益社稷利蒼生者又是君之餘勳也方今介都
市之間卧蓬蒿之宅一區之中枯寂驚縮殆非人世
豈搖尾偃起于世乎凡聖人之進退行藏猶天地日
月至如彼重華於萬邦作霖雨於大旱敷暢德澤功

事繁于章舍人書曰
若促首帖耳極尾而
乞憐者非我志也

勲者非愚蠢之子不議斷焉安以蟲臂鼠肝之微賤
不望社稷黎民之鴻猷哉屈編于人如茲不知所以
啓者足下似不吾知也者吾但取裁足樂且不憂蔬
食脆甘皆可於口葛布綿裘亦愜乎身壽於顏回飽
於伯夷果何求哉道存而身安道亡而身危道之存
亡身之安危在方寸中無待於外能養之者與風月
爲徒將山川爲伍瞬息百年陶陶然鼓腹而遊地老
天荒此樂不渝緬想今夫番禺者王畿之領袖海國
之喉咽也武辨家之死守而社稷臣之死預也入其
國其教可知足下有經世濟物之才厲立身行道之

志且懷仁義以事其君則上下相親氓俗可慕一人
之丕慕一國慕之一國之所慕天下慕之天下之士
皆願立於其朝則使其君煥于文武其民歸于禮義
者有待於足下耶玄森飛錫餘附玄口陳冬愛自玉
不蝶

新編覆醬續集卷之十三終

新編覆醬續集卷之十四
門入石克子復編纂
書
答林考盤
曩者元芳春文過洛之次賤損錦雲及瑤篇愛玩無
歎感哉曷勝倩新溫麗足以治嵐瘴之夙疾誦其書
則頭風下牀吟其詩則癰鬼出舍陳檄杜律藹然盈
帟非學富半豹者不至於此欣審文候清嘉慰甚慰
甚不佞手之不良亦將還元莫掛清慮好也足下菜
玄之恙近况云何假如不焚江紅之井水張元之傘

心神滯英玄

篋姑捐讀書以加順養何不差之有乃翁宿憶日消
概復平候雖然玉璫之中生如瘡者時時為疼云云
今既間否不佞亦患氣戶有年於茲累似是矣皆肺
氣之病為弗克深害如岳頭墳惟有妨拭涕歎呵呵
乃翁來書曰至于病起而有召命登城府則許有興
到增除者數又一日相臣松豆州牧為官使携醫工
兩三人來商量保護之術遣藥餌眠食勿不戒慎其
親愛之敦恩遇若是者未嘗聞焉豈匪儒臣之榮耶
趨匪一家之榮耳施及諸天下國家則墨客斬人盡
可以興起孟晉之業誰敢不歆羨哉此行也不意解

迨春丈于舊第相偕怡然以閱寒溫勞千里之客路
錄三秋之懷抱東語西話蟬聯靡盡淺斟低唱臻於
陳更握別而去後經旬自南嶽飯京邑一宿而東
發邁之后第竦望而已建返電過不遑罄緒緒之素
只恨天分東西地隔參商無堪激切懸倚之懷嗚呼
會期可龜于何月也春丈榮回家塾椿萱之喜填篋
之慶滿堂愉快珍崇珍崇書內數字以告夕佳夕佳
有報章乎前亦謂拙蘇一篇繕寫別幅呈之左右病
吟曼興懽懽不勉使乃翁施卸止為幸萬冀原亮不
絮

與楚靜軒

嚮之報章吾丈有微譏云獲反常否不佞亦蒙庇不
快爛于問安不罪不罪春莫花老園林空翠悵然於
朝葩之已謝年矢之易流而已卽今抹破烟嵐攀躋
山嶽與一二之小童偕采介蕨用其一把幸負庖宰
頗雖細少柔滑味肯勻試味乙鼎甘心孤竹之餘風

全

瓊報覆窠併徹於此視封之後翫讀不已罵韻之詩
品評細論无禁感惻之至余亦云得意之句非尾聲
在領聯而興趣形容匪毫素之所能敵矣來訊之肯

指赤雨枝風葉可面解之足下稱以末句施以圈點
以爲悟道得意之絕唱格律者唐體而意肯者宋語
也又曰能陶詩不佞雖不敢當鬼眼所照豈虛哉今
午適爲侍童見牽而出遊行則投網於鴨川之流還
則携鮫乎台山之麓漁獵之獲新鮮之美唐突易牙
腹猶果然盤餐之開與二童偕說足下居多敢爲噴
嚏否呵呵眼霞蝙蝠遣侍童畫之資恕不又

與陳元贊

曩者高蹈煙嵐被臨隱窟情素之雅感豁是荷洵空
谷之足音惻藉幽貞之聞寂者不爲不爲雖然第有

雲松烟葛山菓薄醞未罄眷々之意為憫而已吾丈
辭去而後為風雨中痰喘咳嗽劇甚立聊服藥願養
未出卧內由之不遑繼前藻之佳音可追辜乎原貸
是祈憐懼不少吁發邁何日哉邂逅何時哉桑榆之
殘喘再逢難期微恙伏枕呻吟之間口授侍童以使
為書是故不能布露衷曲萬萬自保珍蓄

荅楚靜軒

昨日圭復白書感豁良够卯色之故典應來意寫呈
焉喜審五味氏數日前還於廳處予初聞之良亭彌
留盍至已先朝露云云誦書不任駭嘆之至不佞亦

晉中何每至高陽習家
池飲飯大醉往至高陽
日十指出何許往至高陽
池日之何事與醉所弄
知時人能時馬倒著自
接四離字類同事類何
如并外兒

相識有年於茲豈不傷哉足下素親串於亭者尚矣
哀憾之情能不慨然哉亭者洛之大豪而富於年豪
於歌為人波峭殆匪流俗之比不亦惜乎蘇子曰平
生萬事足死關只一死吁如夢如幻金仙之言亦可
併案昨午昌三款寂來訪乘半日之閑入三雅之興
攀神仙於花中吐天葩於筆端唱和酬酢笑林談淵
偏說足下面反照而皎皎路只恐獲無醉倒之患耶
倘會昌三則幸為予謝

全

分手已還信耗缺如官涂之勞僕從亡恙臻賢地否

傳公二十三年春子車
身對楚子曰子車
君也生其波及晉
國者君之餘也

曩之邂逅款密說憚頗雖褫累年之蘊結未遑罄鄙
衷之繾綣意根如薤本之難拔雖之兩家各居安勝
勿苦遐念不佞屬有殫殫未獲反常願養之術百不
堪耳此行也大尹板防州卒色其行惟夫足下可為
空谷之喜况乎於馨欵岱安生依防州之德德從適
東都生雖為弱齡老於醫敏於行匪凡庸之所比倫
足下自官遊後拙疾之所憑者總在生之指頭不假
宅之刀圭素愛吾如父予鍊心石腸雖待不厚彼亦
人之子也進退毀譽由人不由已足下幸為之誘掖
則予亦可浴餘波又論二三知舊以是語之吁北阜

東谿往訪來訊已為陳跡髣髴如夢第中秋之清遊
不可諉矣棠榆之影漸薄西山各天一方无緣會晤
便羽有時聊附數字懸戀之素不蔽於此萬萬貸怒
自保不莊
曩蒙三元之賀緘東路之遠一介之勞豈不思茲荷
萬荷萬賢弟動止裕勝豔羨何似僕凡百如常勿苦
懸念喜審上日登城府拜太君御林之尊賜宮衣
之恩榮洵可悅之甚切祝切祝老夫雖不同晏子親
歷見三代之君未奉拜太子為憾而已身雖在山林

任子讓生篇身在工
湖之上心在魏國之下

心如居魏闕君臣之義終不可讓如足下亦生太平
之世事盛德之君不亦幸乎可謂是太慶也且又天
豐州沉痾之不瘳故以去二十又一日夜半子刻物
故慨然失涕之外無他足下復聞訃則不可不啣痛
巴聲兩章記於別楮以備笑資教勿傳觀可也吁朝
於花夕於月只不任遠思長想之至陳昇菴來訪否
會晤之次幸謝一語若對林家之三子則使小詩觀
之併傳一言這回冗迫不遑別書而已窓下蝙蝠昏中
中不次

全

曩時不應白雲之雅呼爲憾而已石谷氏來洛不知
何日哉宿處何地哉永日牧不出后月旬自赴于東
都云京尹還廳亦不遠矣數日峭寒裕勝何似不佞
衰朽不堪之餘燭都筑吉保之巫與有間之溫湯自
臈堂下涵于湯船日及三四回出入濕乾殆爲勞勩
是以深悶窒衡不調戶外况乎於來人茲者依猛婆
之一怒溪山動搖林木摧折餘風肅殺猶未歇矣病
軀亦畏者豈獨滿奮哉以短晷之易汲永夜之叵消
故爲一二侍童咕嗶遷史初傳頗欲竟卷老莊之清
淨無爲孫吳之號令慘礪夷齊由光於高潔管晏申

韓於辯難千條萬緒舉在目前太史公曰老子深遠也伯陽冠諸子在深遠兩字實良史之才也凡觀其世之興亡其國之強弱其君之明暗其臣之賢愚于天子運于時于命幸不幸遇不遇而不可強成者耶雖賢智明哲所以避罪戾遠憂患修功名全始終者百無一二如老樗最雖為細人齒垂七秩温飽不求精神無恙潛迹於丘壑肆志於淵靜楮拙爐邊炙背鼓腹陶陶然樂野趣以為自快是迺不幸之幸不遇之遇抑又愚者之一得也假如夕死靡有毫髮之遺恨素足下之所知也信筆舒卑懷可發一笑縷縷不

悉

答柴田良嚴

日前惠書陟山采薇不對使報亦喻大字匪靡舊約策鶯慵鳥曼因循過月吾丈何厭家鷄愛野鴛為哉又如李杜兩件雖偶有句小贊者未嘗記一語原怒為幸曩時所告東武平林寺之三榜彫鏤已成欲驚俗眼倘有意電瞞不出四三日來而數之餘蘊布面不次

劉中隱善造酒故
呼之
尊有上品上曰壽中
曰自下曰壽

日已前僧等厚來，歛岑寂以資話，欄言及足下不匙
而已，殊與一日乘清涼，嘯傲於六六峯前，篋律乎三
三徑中者，有待焉。依昨日之風雨，自掃庭園之塵埃，
不遑操筆，勅家童裁答，勿敢訝可。

荅武蒙菴

曠日不面，無任渴咏。鶯花已謝，鶻綠如滴。雲府寂蔑，
日依攤飯，消磨永日而已。不審震良裕勝，艷羨艷羨，
仁術無暇。耶春未有詩耶？伯氏至東都，未通信耗耶？
句幸聞之。白墮一自以貢左右，是輒日昨南京令所
與者也。其書內曰：以予不多飲，殊擇焉。豈以曾薄之

楚謂瓶曰軍持

離騷曰：紉秋蘭以
為佩

比為哉，是以今贈之。聊侑小學，一醉一吟，可入黑甜
之鄉。繼華晉之遊，餘蘊布會次。

荅木下順庵

一、道之卯牋三枝，之建蘭競芳，吐芬墜於阿兒，垂情
回謝，雅惠尤荷。移諸軍持，沃於明動，足以為閑居之
奇玩。曾聖之操楚臣之佩，可併案矣。朋友之言其真
如此，依之惻，寢積之懷，消沉真之疾，可亦快乎山中
之勝。清蔭涼風，無炎熱苦。幸來所臨，瞻儻之情，不穀
於此。對山八子，勿勿裁謝。

荅平氏忘筌

幸復來章以領件件喜審一昨與昌三偕詣京尹矧
又有教誨之美言焉多寄多寄老夫自昨晨右手有
祟殆為腫疼不便七首僕之前况招醫工來顯加養
願然未至深患勿敢為思對即伯幸告之春社之日
欲來則來不又

與楚靜軒

自後阻闊興居何似九日明朝節物驚心園中雖未
開一枝之菊頭上又知加數莖之霜第不無感慨於
知誰健之句亦借方氏錄每夕讀數條以消遙昔其
書可觀者甚敏况又淨紙鮮字如值佳人無敢取德

杜詩明年必全知
淮健

初自經解今至家訓而歷視之勝遺近詩二首晒納
為幸

全

惠臨之后音塵不繼雅候奚若小隱園中海棠盛開
繁英穠艷倍蓰常年可謂山莊之奇觀也前是松醉
翁曰及茲時與足下偕來此采薇賞花登六六山遊
三三徑詠而飯雖然不佞河魚之恙未少差故業在
願養無心遊豫竟日偃卧一室空費歲華倘無効干
數日之間可告足下只幸以不招二雉侑一觴相羊
於春風和氣之中為悵而已因茲贈花薇兩種聊致

微意莞置幸幸

與武杏仙

誰肯枉問忻，悰多多文譚。詩話商榷紛紜，惟有果茗不及盤餐。想夫怒然於啟鞍之間，耶亦賜刀圭自昨。至今服次數回，頗穩心腹，覺有良効。遺矢亦快也。獲若，是則不出數日，可以告平。新製線香，幸惠少許，為騁便。

杏林春德

曩者夕佳父子還京，之次貶掄，函教重以瑛篇交誼之臆。喜荷交弁，吟嚼數回，知有餘味。忽如接風論而

忘千里之遠，可謂珍惠也。竒玩也。欣聆文候安恬尊父難兄，亦健飲无恙。彼此無勝愉快之至。不佞桑榆且晚，殘喘亡賴，精神耗於中，體貌羸於外，思慮恍然，事多遺忘，衰疾畏寒，重被裏頭，蒲團帟帳，不出卧內。未冬如縮殼蝸，俞懶懶散，散倍萬瓊，與融頭面雖存，如泉下人，與髡徒，入定羽客，尸解無以異焉。居幽明之間，遊是非之外，養志忘形，陶陶然消磨歲月而已。方今有粉里在三陽境，致佳麗，村民淳朴也。長江橫前，脩林冠后，一溪風月，四山烟霞，隱者之天，可盤旋也。予欲啟老舊鄉，終樵漁之樂，而告諸板京兆京兆

留之不遣勢依不可強為思而止矣自爾之後深啟
荆扉絕息交接不佞雅武夫之閑散而不欲以文名
世蕪廢腐餘之學贛陋褊迫之性無一事之可稱于
世又無可愧一物以不貪一言以不阿以是為自警
矣雖不克遐高遠沒影迹豈飲洗耳之水哉假使謂
躡巢由之行有夷皓之節至如面諛背毀之屬不敢
不容謗吻於其間吁勿商榷吾以終南捷徑少室高
價庶耶來喻告名聞不亦可乎孟子曰聲聞過情君
子耻之誰敢不思哉而欲剛逃名則卻似邀名聞古
曰其跡遠而其名逾彰名豈能可逃乎然無德成名

者猶土龍芻狗之有名也焉獲不敗哉名非吾之
有死有者無名無實有不敗者存何怨累之為哉百
凡哀曲不盡忍書根繼竒躅以綜闊緒莫遣孫卽帳
下之兒看幸孔幸孔自愛珍畜不再

荅武杏仙

昨日惠書并小引風寒腹痛臥於擁爐攤飯巨覺悚
廢之餘對使不報不罪不罪就審聖善有恙陪侍湯
藥無遺筆研不佞暇書驚嘆殆勞老懷敢問初何所
崇哉刀圭獲功耶飲食有薦耶可得而聞一喜一懼
之情於茲可想見奉親之道勉矣而已不可忽諸幸

庚公三年相傳官災
爵彼後之火氣也

以一言評之父兄依之不及別致書致意耳林家之
信耗亦悅可且又叙文淨書平穩可向日出處之一
段取推古之使歟取聖德之書歟云云於彼於此各
可無妨太子之終始詳師鍊之釋書與通鑑可併按矣
前况一緘一律各墜手裏迴應來示至於冥思施以
丹毫不知妍蚩與盛意只異心可取喜審堂堂之恙
頃雖少恙未獲全瘳之快効思茲在茲無有它腸且
又省內鬱攸之變甚可嘆息又耐怪訝惟夫天耶命
耶人耶鬼耶抑亦依承運應期之禍而然耶暫埃識

答武杏仙

者論辨而已不悉

答楚靜軒

寸楮并北苑之白茗惠之况之已令家奴汲井烹之
多謝多謝前回來訪忻懌不謫詢依半日之譚知勝
十年之書餘布面陳不又

答武杏仙

手示并追悼之什及再及三吟之誦之通篇罄至隱
之情無有餘事孫興之諒闇聖俞之淚泉亦可思觀
任必勾点於數字不知臧否可異心用就審墳石之
字未竟其功至成功可達而拜幸冀節哀順變勿敢

過禮而已

答荃靜軒

一昨冥昧牋教并寫懷，一絕誰昔之夕自洛至茲禱。
 封開卷吟嚼得味，足以聞咳唾之音匪吾丈其疇能。
 與於此獲數篇之嘉藻，綜三歲之澗緒歎甚歎甚拙。
 恙微發又蠅縮室內，額嘗藥餌而已其間欲味前韻。
 屢雖搜索無一句之浮育次者，是迺精神憊蕭之冥。
 為也耶依之思而止矣，懶慢之過幾於不免矣。原貸
 為幸喜審茲者覓珍藉數品，中有陰符經此書予冥
 未觀者也。想夫詭譎恠誕之說，驚心目者，有耶無有。

耶它日假一紙，可消顛望。盍簪不遠，餘布面陳。萬冀
 不絮。

答武杏仙

昨午示及詞翰，登時于山雨于瘴霧于寥聞于懶散。
 不快亡聊久病之疲困睡之眇，暫締攤飯之夢，以遊
 黑甜之鄉。是以弗對佯報，急急懈懈不罪為幸。應於
 來喻點於清律，惟夫如之何如。示學詩者各說盛
 唐之風藻，不知盛唐之律體不曉唐風不學唐律。緣
 底獲入作者域，詩之巧拙毫髮之間也。耳冥云効李
 杜者，如刻鵠効元白者，如畫虎臻其冥肆毫髮之間。

大有遲延可不思哉本邦緇白之輩雖以詩簧鼓於世者不鮮余未嘗暇一篇一句之有唐味者是迺匪不知詩之謂哉不知詩者豈能詩為雖然人人託於布鼓術於瓦釜自以為頡頏乎李杜髣髴乎黃陳有具眼者可胡盧而捧腹吾子夫曷矣而已京尹茲者扈從幸於長谷而來此未卜何日也羸億不堪口勅侍史以裁答故書不心愜心不盡言貸怒萬萬不莊

答筑府僧傳心

丹藏主來此領荷函教垂念之腕感佩焉勝寒溫既

笨粗率也宋書王徽傳有庶笨之語

終言譚之次藏主袖邦君以投上人一緘來示不佞褫封觀書甚悅可蓋赦小過君子之道也邦君寬大仁恕如無介然於宵中是輒每常眷眷於上人非恩遇之厚亦致也哉而今而後自省麤笨實不貳過可也亦六前事不忘後事之師也足下雖從舊臘有背癰之恙僕仲菴之刀圭適獲良効畧復平候凡癰疽發背者什之八九入於死地有起色者鮮方家亦難之論之不為不夠匪有起死回生妙術烏能至茲耶豈不危哉幸值良醫而遂无妄之喜式祝式賀無禁臧藻之至宓冀還元之術勿敢媚藥石矣對仲丈則

為謝一言不及另東老樗自前月月尾感冒不快伏
枕呻吟數日之間未出卧內目昏手戰弗克自書以
穀鄙哀口勅侍史慢裁答耳是故死句太字這回不
呈左右統祈原亮它日臻寧靜時可使野鶩報家雞
矣不敢食言吁一別洛歲何佛如夢嘆殘喘之亡賴
憫後會之無由瞻儀之懷可頌倒於何日哉臨楮悵
悵餘蘊布藏主口陳為法為人千萬自愛珍畜不莊

荅楚靜軒

會前長牋晤後短札新茗一裹散藥七貼四種之况
昨從十夫所傳達於此各領荷焉前夕自碾其茗與

蘄言質升也又成也又馭馬也

一二之童賞飲品蘄則風味香色倍於恒產雖瑞雲
祥龍之名品不多讓矣京尹必稱豈虛豈虛殆啜一
甌之綠塵頓發兩腋之清風如飄飄然仙登於白雲
丹丘之邊不亦快乎如一秘圭自昨至今嚙二貼了
稍覺減卻咳喘之二三妙手之術可得而言哉幸依
便人聊此布謝

全

一昨亦拍手教即今臻茲展閱數回如不出三日而
得盡簪曩者不時之訪未了之譚園蔬山茗詩評文
論不亦快乎只懼遠臨飯路山雨谿風及端昏度泥

錄三羊傳中一字靡忒若是文外之文奇中之奇也
翅匪爲小隱之家珍可謂千載之良寶也吾丈素
叔原之僻所蘊崇於庫中者頡頏於惠子之五車
家之萬軸由茲得之備矣多荷多荷張仙胡濙傳願
借之繕寫諸抄書之篇端勿敢慮焦尾之僮林家兩
弓勅侍史謄遺之春德紀行繁多不遑寫之乃呈似
元本焉詰且有以爲永日州所招欲適于阮公蘭若
老懶峭寒不能自止欲如此竟書時孫十郎侍側
然笑謂予曰視此書函否依之暇之漆穿帛出敗壞

謄移書傳鈔音

殊甚想夫吾丈非貴古物賤新器焉獲用如斯敗
哉書不言乎器非求舊惟新胡爲不與之丙王以爲
灰燼矣但偶然而然耶無餘贏而然耶守節儉而然
耶因疎慵而然耶信手用來不及改易耶稱意愛玩
不忍棄擲耶抑又吏部所云敗鼓之皮俱收並蓄醫
師之良也蓋匪此之謂矣乎至若今茶家者流迄竹
筒木屑土缶瓦甌之類以古爲貨自銜賣其器具美
玉精金比之蔑如吾丈之所嗜者匪彼在茲儒術衛
生可併案矣如仲尼之木履揚子之鉄硯商皓之鹿
角枕葛洪刮藥篋者沈在藥籠中邪無有邪嗚呼胡

